




— A G L A I T —

ILLUNAINORTUT.



Nr. 10

Nain, April 1903.

Nr. 10

A n e r n e r i t

p a r n g n a n a i r s i m a v i n g m ê t u t .

Okperijaksab aipangane piulijivut Jêsuse okautigi jauvok imâk: „Anernermigut ajokertuijartortok anernernik parngnanairsimavingmêtunik.” Kanok okautsit makkoa tukkekarkât? Nautsertorupta okautsit taijaujut avalinginik tukkisivogut, s i v o r n g a n e Jêsusib tokunga illijau-ningalo illuvermut — k i n g o r n g a n e l e Jêsusib makkinga tokungajunit taijaungmatta. Piniarneknello-nartok, okautigi jaujok nautsertortaptingne piniarutauvok, piulijivut illuversimatillugo makilerkârtinagole. Atuarsileritse Petrusib okausinginik I. Petr. 3, 18 — 20 ammalo I. Petr. 4, 6.

Okautsitigut tamakkotiguna ajokertortauvogut, Jêsuse tokorkârlune illijaurkârlunelo illuvermut anernermigut ailaungmat tokungajut ubvalo anernerit iningañut. Iningat parngnanairsimavingmik taijauvok, kapianarame. Tagvungalaukpok tokungajut okâlavigivlugit okautsinik tussarnertunik, piulijaunartunik. Illûnatik okpilertut Jêsusemut illangiutititaulaukput piulijaunermik nûtitauvlutiglo kuvianartovingmut. Tattamnarmêk piulijipta naglingnersoanga. Inuit illûnaita tokosimajut nunaksub pingortitauninganit piulijomalaurivait, okpituinarpatta Jêsusemut.

Taipso mane ajokertuijartulaungmat anernernik parng-
nanairsimavingmêtonik, nerriugalloarpogut, mâña sulle
tokungajut illûnatik tussarvekalaungitut okautsinik piu-
lijaunartunik nuname tussarviksakartitauniarmatta sulle
tokub ungatâne. Tâpkoale kissimik. Tussarvekartunut
nuname sâgiarviksakarungnairpok tokub ungatâne. A. M.

Illagêt saimanarningit.

Akkuniungitok mattoma sivorngane Afrikame perorse-
vilerijokalaupok. Tamna kernertamik kivgakotekarpok,
kattimaviliartomik kaningitomot Sontageolerangat. Ta-
mañale angajokânganut kuviagijaungilak, uvlullo illa-
ngane kivgane okautivâ imak: Nâlagit, suna pivlugo
Sontagit tamaita taimak kaningitigijomut kattimaviliar-
kêt? Ajorkêt ovane iglome imgerlutit tuksiarlutillo
merngoerserlutillo? Ovane iglome taimaluatsiak pinia-
rungnangilatit sorlo kattimavingme? — Kivgak kiongi-
lak, ikomamille aumavineramik ikkomalingmik tigusivok
ingmigullo illilugo nettermut. Sunaubva tagvainak ikko-
alajungnailerpok. Tigulugo ama ikkomamut illigiva,
tagvainarlo ikkoalalerivok sivornganetut. Kivgable anga-
jokâne okautivâ: Tagga Nâlegak, tagga kigusera! Katti-
maviliarkattarpunga ônarsititaujomavlunga nutâmik ok-
pertokattikka illagallugit. Inotôtsainaruma tagva nigli-
sarailerajarpunga. Kattimaviliarkattaralloaruma, kivgar-
tornimne piunginersauniangilanga. Kattimaviliarungnai-
rajaruma tagva mallugosuksarainajarpotit, kuviagingitar-
niglo sunatuinarnik nagvarajarpotit uvamne.

Kivgak taimna kaujimatsialaupok, suna pivlugo
kattimaviliarmangârme, taimnalo illagêngnekarnarub
saimanadlarninganik tukkisimatsialaupok. S. W.

A n i a s i o r t e .

Tussalaurpallukpose, aujak âniasiorthemik inôsuktomik tikitokalaungmat nunaptingnut, ajokertuijersoapta angajokâptalo tillilauktangannik, âniasiorteorkovlugo ajokertuijôrkovlugolo tamâne Labradoreme. Angajokâvut issumakalaukput aglât iglolioriamik kanimajokautiksamik O k a m e , kanimaluartut kanoêtokartullo, âniasiorthemut sulliviojuksat aititaujungnarkovlugit tagvunga.

Aniasiorte taimna Dr. Hutton Nainemêdlune kanimamut tikitaulaukpok, sulliviojuksaunasugivlunelo âniasior-tinut uttilaukpok akkianut. Aujak kissiane tussalârpogut tagva, kanok illingajokalârmangât. Akilerune Dr. Hutton utterajarpallukpok nunaptingnut igluksallo kainajarivut.

Nâlegak aulatsile tamainik idluarijaminut!

Ilipsele tamattomanetauk tukkisijungnarpose nagligi-jaunipsingnik angajokâptingnut, taimak issumagijautsia-laurapse taipkonunga. A. Martin.

K a u j i j a k s a k .

Siva achânipsâk ikâlauktok nâmagijaummarilaungimat, senajauningalo mâne Labradoreme passijaungmat, tagva kenuvigivluse udsertorkovapse, tâamna nâmatsiartomik senajaurkovlugo. Sivamik mamartomik tippekangikasak-tomiglo issungitomiglo kakkiaktomiglo ikârtitsijomavo-gut. Taimaitsainarkovlugo, ovane okausioniartut mallik-tautsiartuksauvut.

Tinguit nutângoningine atsuiliningine savivingmut ukkusingmullônêt ergortortaumatsiartomut ippekangito-mullo illijuksauvut, ikkomamullo illilugo tinguit ônarsi-

juksauvut aulajautsainartillugit. Tinguit ônarsijuksautsiaralloarlutik tertimariktuksaungilat, tertimaringnermut siva sujuktaungmat. Nakuluarpok ikkoma ingergainak sugaluluadlangipat, tinguillo sukkaikomik ônarsititauk-patta. Onarsinasualerningine inuk udsertoriakaluarpok tinguit ôlerkonagit, aulajârtitautailivlutik ôsaraidlaramik. Onarningat nâmaksilermat [tertikasaulertillugo] savivik pêttaujuksauvok ikkomamit, orksullo siva maujaêrtaujuksautsiarpok, tamaita ingneongitut pêtsiarmariklugit.

Idluarijaukpat tinguit pigiarnerme illakartitaujungnarput imituinarmik kêtamik, sivale taimak senajaujok maujaêrtaulerêrningane uvlok illuitok nâvlugo pôngme kikkartuksauvok, kingornganelo siva imiub kângane poktammat, kovijaujungnarpok pôngata assianut, ôrksutô-nialerdlune.

Pôt illûnatik sivamut attortaujut, ergortortautsiarlutik ippekartuksaungimmarikput. Chr. Schmitt.

I s s u m a n a r t u t .

1. Jêsuse adsiotipok nangminerminik maggoertorlune perortunut. Nelliangovâk?
2. Testamentitâb okausingita nellîne Jêsuse adsiotitauvâ ômajomut?
3. Angutîk magguk okautigijauvuk Testamentitâme erkartuivingme erksârtaungmanik kaneroktauvlutiglônêt, miksekârtunik okausekaralloarlutik. Kikkovâk?
4. Sivorliojut tokotaumajunit tamainit Jêsuse pivlugo kikkovât?
5. Taisileritse inungnik tellimarnik, Testamentitâme taijaujunik, maggoertorlutik tokojariakalauktunik.

[Kigusingit Maime sakkilârput.]

A. M.